

УЛААНБААТАР ХОТ
БАТЛАВ
"МОНГОЛЫН ТӨМӨР ЗАМ" ТӨХК-ИЙ ЗЭВСЭГТ ХҮЧНИЙ ЗАМЫН 7780 ДУГААР АНГИЙН
ГҮЙЦЭТГЭХ ЗАХИРАЛ ЗАХИРАГЧ
Р.БАТСҮХ ДЭД ХУРАНДАА Д.ЗОРИГТСАЙХАН
2020 оны 8 дугаар сарын ...-ны өдөр 2020 оны 8 дугаар сарын ...-ны өдөр

**ТӨМӨР ЗАМЫН СУУРЬ БҮТЦИЙН БУТАЛМАЛ ЧИГЖЭЭС ЧУЛУУ
(БАЛЛАСТ) БЭЛТГЭН НИЙЛҮҮЛЭХ ГЭРЭЭ**

2020 оны 8 дугаар
сарын 30-ны өдөр

Дугаар: ХХаГ/20/232-229/43

Улаанбаатар хот

Монгол Улсын Ашигт малтмалын тухай хууль, Түгээмэл тархацтай ашигт малтмалын тухай хууль, Иргэний хуулийн 243-261 дүгээр зүйл болон Монгол Улсын Зам, тээврийн хөгжлийн сайдын 2019 оны 315 дугаар тушаалаар байгуулагдсан Дэд ажлын хэсгийн 2020 оны 8 дугаар сарын 05-ны өдрийн 146 дугаар зөвлөмж, Зэвсэгт хүчний Бүтээн байгуулалтын дэмжлэгийн газрын даргын 2020 оны 8 дугаар сарын 29-ний өдрийн 1003 тоот албан бичиг, холбогдох бусад хууль тогтоомж, эрх зүйн бусад актыг үндэслэн энэхүү гэрээ /цаашид "Гэрээ" гэх/-г:

Нэг талаас "МОНГОЛЫН ТӨМӨР ЗАМ" ТӨХК, түүнийг төлөөлж Гүйцэтгэх захирал Р.БАТСҮХ (цаашид "Захиалагч" гэх);

Нөгөө талаас "ЗЭВСЭГТ ХҮЧНИЙ ЗАМЫН 7780 ДУГААР АНГИ", түүнийг төлөөлж, ангийн захирагч дэд хурандаа Д.ЗОРИГТСАЙХАН (цаашид "Нийлүүлэгч" гэх); нар /цаашид "Талууд" гэх/ дараах нөхцөлөөр харилцан тохиролцож байгуулав.

Нэг. Нийтлэг үндэслэл

1.1 Энэхүү гэрээний зорилго нь Нийлүүлэгч эрхийн зөрчилгүй стандарт, техникийн зохицуулалт, техникийн тодорхойлолтын дагуу чанарын шаардлага хангасан биет байдлын доголдолгүй, Төмөр замын суурь бүтцийн буталмал чигжээс чулуу (балласт) үйлдвэрлэж, бэлтгэн нийлүүлэх (цаашид "Бүтээгдэхүүн" гэх), түүнтэй холбоотой баримт бичгийн хамт Захиалагчид шилжүүлэх, Захиалагч нь Нийлүүлэгчид гэрээнд заасан нөхцөлөөр төлбөр тооцоог гүйцэтгэх, Гэрээний талуудын эдлэх эрх, хүлээх үүрэг хариуцлагатай холбогдсон харилцааг зохицуулна.

1.2 Нийлүүлэгч нь Монгол Улсын хууль тогтоомжийн дагуу байгуулсан, Монгол Улсад бүртгэлтэй хуулийн этгээд байна. Гэрээг байгуулах, хэрэгжүүлэхэд шаардлагатай тусгай зөвшөөрөл, эрхийг эрх бүхий байгууллагаас авсан, энэ нь гэрээний үүргийг зохих ёсоор бүрэн гүйцэтгэж дуусах хүртэлх хугацаанд хүчин төгөлдөр, гэрээнд заагдсан ажлыг гүйцэтгэх боловсон хүчний болон санхүүгийн бүрэн чадамжтай этгээд байна.

1.3 Энэхүү гэрээгээр зохицуулаагүй харилцаа, тусгагдаагүй бусад асуудлыг Монгол Улсын бусад хууль тогтоомж, эрх зүйн бусад актад зааснаар шийдвэрлэнэ.

1.4 Дараах баримт бичгийг гэрээнд хавсаргах бөгөөд эдгээр нь энэхүү гэрээний салшгүй хэсэг болно. Үүнд:

- | | |
|--|--------------|
| 1.4.1 Балластыг нийлүүлэх газрын координат | /Хавсралт 1/ |
| 1.4.2 Техникийн шаардлага, тодорхойлолт; /Захиалагч/ | /Хавсралт 2/ |
| 1.4.3 Бүтээгдэхүүний нийлүүлэх тоо хэмжээ, хуваарь; | /Хавсралт 3/ |
| 1.4.4 Тухайн үйл ажиллагаа эрхлэх тусгай зөвшөөрөл; | /Хавсралт 4/ |

1.4.5 Тоног төхөөрөмж, үйлдвэр, техник хэрэгслийн хангамж; /Хавсралт 5/

1.4.6 Орон нутгийн захиргааны байгууллагын зөвшөөрлүүд /Хавсралт 6/

1.4.7 Балластыг эрх бүхий байгууллагаар шинжлүүлсэн шинжилгээний дүн
/Хавсралт 7/

1.4.8 Балластын материалыг нийлүүлэх эрх бүхий байгууллагын тусгай
зөвшөөрөл /Хавсралт 8/

1.4.9 Нийлүүлэх бүтээгдэхүүний үнийн задаргаа /Хавсралт 9/

1.5 Захиалагчийн Санхүүгийн хэлтэс, Төсөл хөрөнгө оруулалтын газар нь гэрээний хавсралтад заасан бүтээгдэхүүн нийлүүлэх үнэ, төсөв, хуваарь, Инженер технологийн хэлтэс нь бүтээгдэхүүний техникийн тодорхойлолт болон гарал үүсэл, чанар, стандартын шаардлага хангасныг гэрчлэх дагалдах баримт, бусад баримт бичгийг тус тус хянан үзсэн байна.

1.6 Энэхүү гэрээнд Түгээмэл тархацтай ашигт малтмалын тухай хуульд заасан Уурхайн талбайн булангийн цэгийг төрийн захиргааны эрх бүхий байгууллагаас баталсан Газрын зураг дээр тэмдэглэж, солбицлуудыг градус, минут, секундээр тодорхойлж хавсаргана.

1.7 Гэрээний үүргийн биелэлтэд Захиалагчийн хяналтыг хэрэгжүүлэгч болон материалын чанарын туршилт хийх этгээдээр дамжуулан хяналт тавина.

1.8 Гэрээг Талууд байгуулж баталгаажуулсан эсэхээс үл хамааран Ашигт малтмалын тухай хууль, Түгээмэл тархацтай ашигт малтмалын тухай хуульд заасан шаардлагыг хангаагүй, гэрээний хавсралт, бусад баримт бичгийг ирүүлээгүй байдал нь гэрээ хэрэгжүүлэх нөхцөл бүрдээгүй гэж үзнэ.

Хоёр. Гэрээний гол нөхцөл

Гэрээний үнэ, төлбөрийн нөхцөл

2.1 Гэрээний нийт үнэ- 2,308,500,000 /хоёр тэрбум гурван зуун найман сая таван зуун мянга/ төгрөг болно.

2.2 Бүтээгдэхүүнийг нэг м.куб бүтээгдэхүүн үнэ нь 40,500 /дөчин мянга таван зуу/ төгрөг нийт 57,000 м.куб /төмөр замын суурь бүтцийн буталмал чулуу/ бүтээгдэхүүнийг нийлүүлнэ.

2.3 Санхүүжилтийг нийлүүлсэн балластын тоо, хэмжээг үндэслэн гүйцэтгэлээр олгоно.

2.4 Гэрээний үнэд татвар, хураамж, ажлын хөлс, ажил гүйцэтгэхэд шаардагдах зардал, бусад холбогдох зардлыг багтаасан ба гэрээний хүчинтэй хугацаанд гэрээний үнэ өөрчлөгдөхгүй болно.

2.5 Бүтээгдэхүүн, ажил гүйцэтгэлийн чанар болон зөрчил, гологдол арилгасан байдлыг хянан үзэж, Бүтээгдэхүүн нийлүүлэлтийг гүйцэтгэлээр тооцож Гэрээний үнийг төлнө.

2.6 Бүтээгдэхүүний тоо хэмжээ, нийлүүлэх хуваарь, төлбөрийн нөхцөлийг гэрээний хавсралт 3-д заасны дагуу гүйцэтгэнэ.

2.7 Гэрээний хавсралт 2-д заасан ажлын даалгавар, техникийн тодорхойлолтод заасан шаардлагыг хангасан, Гэрээний хавсралт 3-т заасны дагуу бүтээгдэхүүнийг хүлээн авсан актыг үйлдэж, баталгаажуулна.

2.8 Бүтээгдэхүүний үнийг Захиалагчийн акт, баримтыг үндэслэн Нийлүүлэгчийн нэхэмжлэлийг хүлээн авснаас хойш ажлын 3 хоногийн дотор Нийлүүлэгчийн Төрийн сангийн 100110614401 төгрөгийн дансанд шилжүүлнэ.

2.9 Гэрээнд заасан бүтээгдэхүүн худалдан авах нийт үнийн дүнгийн 5 хувийг гэрээний хэрэгжилт болон чанарын баталгаа хэлбэрээр барьцаа болгон авч үлдэнэ.

2.10 Бүтээгдэхүүнийг акт, баримт үйлдэн хүлээн авах ба энэ нь Захиалагчийн төлбөр тооцоо хийх үндэслэл болно.

2.11 Талууд ажлын гүйцэтгэлийн талаар харилцан тохиролцож чадаагүй, эсхүл аль нэг талын гаргасан тайлбар, үндэслэл, дүгнэлтийг хүлээн зөвшөөрөөгүй, тэмдэглэлд гарын үсэг зурахаас татгалзсан бол хөндлөнгийн шинжээчээр дүгнэлт гаргуулж, ажлын гүйцэтгэлийг баталгаажуулна. Ийнхүү дүгнэлт гаргуулахад гарсан нэмэлт зардлыг буруутай тал бүрэн хариуцна.

2.12 Бүтээгдэхүүн нийлүүлэх, ажил гүйцэтгэх хугацаанд шаардлагатай үндсэн бараа, материал, түлшний үнэ өссөн, Захиалагчаас үл шалтгаалах байдлаар ажлын өртөг нэмэгдэхтэй холбогдсон эрсдэлийг Гүйцэтгэгч бүрэн хариуцна. Гэрээгээр гүйцэтгэх ажлыг Захиалагчийн өгсөн Ажлын даалгавар, техникийн шаардлагын хүрээнд гүйцэтгэхэд тооцоолоогүй гарсан зардлыг Гүйцэтгэгч хариуцах бөгөөд Гэрээнд үнийн тохируулга хийгдэхгүй.

2.13 Карьерийн үйл ажиллагаа явуулах зөвшөөрөл, холбогдох төлбөр, нөөц ашигласан болон газрын төлбөрийг Захиалагч бүрэн хариуцна.

2.14 Төсөл хэрэгжиж дууссаны дараа байгаль орчны техникийн нөхөн сэргээлтийн зардлыг жишиг үнийн дагуу Захиалагч тал, нөхөн сэргээлтийн ажлыг зохих стандарт (шимт хөрсний овоолго хийж буцаан ашиглах, ухмалын дүүргэлт хийх, бортны налууг 45 хэмээс ихгүй байх гэх мэт)-ын дагуу хийж гүйцэтгэх техник тоног төхөөрөмж, ажиллах хүчийг Нийлүүлэгч хариуцна.

Гурав. Гэрээний хугацаа, бүтээгдэхүүний баталгаат хугацаа,
доголдол арилгах, хүлээн авах

3.1 Гэрээний хугацаа. Гэрээг хэрэгжүүлэхтэй холбогдуулан Орон нутгийн захиргааны байгууллагаас хуульд заасан шаардагдах зөвшөөрлийг албан ёсоор авч, хавсралт материалууд бүрдсэнээр энэ гэрээ хүчин төгөлдөр болж, ажил, үйчилгээний календарчилсан төлөвлөгөөнд заасан хугацаагаар дуусгавар болгоно.

3.2 Гүйцэтгэгчийн үйл ажиллагаа, зохион байгуулалт, ажил гүйцэтгэхэд шаардагдах техник тоног төхөөрөмжийг тээвэрлэхэд гарсан аливаа саатал, эрсдэл, санхүүгийн хүндрэл, энэ гэрээнд заасны дагуу ажлын гүйцэтгэлийн доголдлыг арилгасан зэрэг нь ажил гүйцэтгэх хугацааг хойшлуулах үндэслэл болохгүй.

3.3 Бүтээгдэхүүн, нийлүүлэлт, ажлыг хугацаанд нь гүйцэтгээгүй, эсхүл хугацаа хожимдуулсан нь ажил гүйцэтгэгчид захиалагчийн зүгээс энэ гэрээнд заасан алданги болон торгууль ногдуулах үндэслэл болно.

3.4 Бүтээгдэхүүн үйлдвэрлэхэд хэрэглэх материал нь стандартын шаардлагыг хангасан, түүний чанарт материалын туршилт хийгдсэн байх ба бүтээгдэхүүнийг гэрээний хавсралт 3-т заасан хугацааны дотор Нийлүүлэгч нь Захиалагчид тохиролцсон тоо хэмжээгээр хүлээлгэн өгнө.

3.5 Нийлүүлэгч бүтээгдэхүүнийг гэрээний хавсралт 3-т заасан хугацаанд Захиалагчид нийлүүлээгүй, хугацаанд нь хүлээлгэн өгөөгүй, чанарын шаардлага хангаагүй доголдолтой нийлүүлсэн зэргээс хамаарч төмөр замын ажил удааширсан бол хугацаа хэтрүүлсэн хоног тутам гүйцэтгээгүй үүргийн үнийн дүнгийн 0.5 хувиар алданги эсхүл учирсан хохирлыг Гүйцэтгэгч Захиалагчид төлнө.

3.6 Байгалийн аюулт үзэгдэл болон гэнэтийн гамшгаас зэрэг Гэнэтийн болон давагдашгүй хүчин зүйлийн үүдэн гэрээнд заасан хугацаанд бүтээгдэхүүнийг нийлүүлэх боломжгүй болсон тохиолдолд Нийлүүлэгч Захиалагчид урьдчилан бичгээр мэдэгдэж нийлүүлэх хугацааг тохиролцох эсвэл гэрээг цуцлах хүртэл арга хэмжээг авна.

3.7 Гэнэтийн болон давагдашгүй хүчин зүйлийн улмаас гэрээг цуцалсан тохиолдолд Гүйцэтгэгч урьдчилгаа төлбөр авсан бол Захиалагчийн анхны шаардлагаар саадгүй төлнө.

3.8 Баталгаат хугацаа. Нийлүүлэгч бүтээгдэхүүнийг хүлээлгэн өгснөөс хойш 1 /нэг/ жилийн хугацаа баталгаа гаргана. /Гэрээний хугацаанд баталгаат хугацаа холбогдох хууль, тогтоомжийн дагуу өөрчлөгдвөл хууль, тогтоомжид заасан хугацааг баримтална/ Баталгаат хугацаанд бүтээгдэхүүнд технологийн горимоос үүдсэн доголдол, чулуулгийн шинж чанараас үүдсэн доголдол илэрсэн бол Гүйцэтгэгч тал хариуцаж, гарсан доголдлыг өөрийн зардал, хөрөнгөөр арилгах эсхүл шинэ бүтээгдэхүүнийг солих, учирсан хохирлоо нөхөн төлөх үүрэгтэй.

3.9 Бүтээгдэхүүний доголдол. Энэ зүйлийн 3.8-д зааснаас гадна бүтээгдэхүүний тээвэрлэлтийн дараах худалдан авсан бүтээгдэхүүнд доголдол илэрвэл Нийлүүлэгч нь ажлын 5 хоногийн дотор доголдлыг газар дээр нь арилгах буюу ижил төрлийн өөр шинэ бүтээгдэхүүнээр шууд сольж өгнө.

3.10 Доголдлыг арилгаснаас хойш 3 сарын дотор сольсон бүтээгдэхүүнд бусад согог, үл нийцэл, үл тохирол, доголдол дахин гарсан тухай Захиалагчаас бичгээр мэдэгдэл ирвэл уг доголдлыг Нийлүүлэгч үнэ төлбөргүй шуурхай арилгана.

3.11 Хэрэв доголдол арилгах хугацааг хэтрүүлбэл уг бүтээгдэхүүнийг анхны үнийн дүнгийн 0.3 хувиар алданги тооцон Захиалагчид төлнө. Доголдлыг арилгахтай холбоотой гарсан зардлыг Нийлүүлэгч бүрэн хариуцна.

3.12 Түүнчлэн доголдол гарсан мэдэгдэл хүлээн аваад Нийлүүлэгч гэрээний дагуу түүнийг арилгахгүй бол Захиалагч гэрээний 2.9-т барьцаа болгон тавьсан төлбөрөөс тооцон уг доголдлыг арилгана.

3.13 Өмчлөлд шилжих. Энэхүү гэрээнд заасны дагуу бараа бүтээгдэхүүнийг актаар хүлээн авч, төлбөрийг бүрэн төлснөөр тухайн бүтээгдэхүүн Захиалагчийн өмчлөлд бүрэн шилжинэ.

3.14 Бүтээгдэхүүнийг өмчлөх, ашиглах явцад патент, худалдааны тэмдэг, зураг төслийн эрх зэрэг оюуны өмчийн эрхийг зөрчсөн хэмээн гуравдагч этгээд нэхэмжилсэн тохиолдолд гомдлыг Нийлүүлэгч барагдуулж холбогдон гарах зардлыг хариуцна.

3.15 Бараа бүтээгдэхүүний хадгалалт Нийлүүлэгч бүтээгдэхүүнийг эцсийн цэг хүртэл тээвэрлэх явцад үрэгдэж, алдагдахаас урьдчилан сэргийлэх зорилгоор баглаа, бэхэлгээгээр хангана.

3.16 Баглаа, бэхэлгээ нь тээвэрлэлтийн үеийн хатуу нөхцөл, тээвэрлэлт болон ил хадгалалтын үеийн халуун, хүйтэн болон давс, хур тунадас зэргийг хангалттай тэсвэрлэхээр байна.

3.17 Баглаа, бэхэлгээг сонгохдоо барааг хүргэх эцсийн цэгийн алслагдсан байдал, түүнчлэн тээвэрлэлтийн цэг бүрд ачих, буулгах хангалттай төхөөрөмж байгаа эсэх зэрэг хүчин зүйлийг харгалзсан байна.

3.18 Баглаа бэхэлгээний гадна талд тэмдэглэгээ хийх, баримт бичгийг бэлтгэхдээ гэрээнд, нэн ялангуяа гэрээний Хавсралт 2-д заасан шаардлага болон Захиалагчийн тухайн үед өгөх зааварчилгааг чанд мөрдөнө.

Дөрөв. Талуудын эрх, үүрэг

4.1 Нийлүүлэгч, түүний эрх, үүрэг

4.1.1 Нийлүүлэгч нь түгээмэл тархацтай ашигт малтмалын өөрийн орд, уурхайтай байх ба тухайн ашигт малтмалын ашиглалтын тусгай зөвшөөрөлтэй, ашигт малтмал ашиглахад тавих ерөнхий шаардлагыг хангасан, тусгай зөвшөөрөл нь хүчинтэй, бүртгэлтэй, ашигт малтмалын нөөц ашигласны төлбөр нь төлөгдсөн, тусгай зөвшөөрлийн төлбөрийг Улсын тэмдэгтийн хураамжийн тухай хуульд заасны дагуу жил бүр төлсөн тусгай зөвшөөрөл эзэмшигч байна.

4.1.2 Нийлүүлэгч нь түгээмэл тархацтай ашигт малтмалыг холбогдох хуульд заасан нөхцөл, журмын дагуу ашиглах, олборлох, үйлдвэрлэсэн, стандартын шаардлагад нийцсэн бүтээгдэхүүнийг зах зээлийн үнээр борлуулах эрхтэй.

Тайлбар: “Түгээмэл тархацтай ашигт малтмал ашиглах” гэдгийг Түгээмэл тархацтай ашигт малтмалын тухай хуульд заасан түгээмэл тархацтай ашигт малтмалын орд ашиглах газрын гадаргуу, хэвлийгээс ашигт малтмал олборлох, бүтээгдэхүүн үйлдвэрлэх, борлуулах үйл ажиллагааг ойлгоно.

4.1.3 Бүтээгдэхүүнийг гэрээнд заасан чанар, стандарт, үзүүлэлтийн дагуу тогтоосон хугацаанд, дагалдах баримт бичгийн хамт хүлээлгэн өгнө.

4.1.4 Бүтээгдэхүүнийг Захиалагчид хүлээлгэн өгөх хүртэл зориулалт, хэрэглээний шинж чанарыг алдагдуулахгүйгээр хадгалах, бүрэн бүтэн байдал, эрсдэлийг хариуцна.

4.1.5 Бүтээгдэхүүний талаар үнэн зөв, бүрэн мэдээллийг өгнө.

4.1.6 Захиалагчид нийлүүлсэн бүтээгдэхүүний талаарх мэдээллийг гуравдагч этгээдэд задруулахгүй байна.

4.1.7 Гэрээгээр хүлээсэн үүргээ зохих ёсоор бүрэн биелүүлээгүйгээс Захиалагч болон бусад этгээдэд учруулсан хохирлыг нөхөн төлөх үүрэгтэй.

4.1.8 Нийлүүлэгч нь бүтээгдэхүүнийг нийлүүлэхдээ гэрээний хавсралт 3-т заасан бүтээгдэхүүн нийлүүлэлтийн хуваарийг хатуу мөрдөнө.

4.1.9 Ямар ч тохиолдолд гэрээний үүргийг гуравдагч этгээдэд шилжүүлэхгүй.

4.1.10 Гэрээний үнийг заасан хугацаанд төлөхийг Захиалагчаас шаардах эрхтэй.

4.1.11 Тусгай зөвшөөрөл эзэмшигч орон нутгийн захиргааны байгууллагатай Байгаль орчныг хамгаалах, түгээмэл тархацтай ашигт малтмал ашиглах гэрээ байгуулж, биелэлтийг хангана.

4.1.12 Ашигт малтмалын тухай хуулийн 35.3.1-35.3.7-д заасан баримт бичгийг бүрдүүлсэн байна.

4.1.13 Тусгай зөвшөөрөл эзэмшигч Соёлын өвийг хамгаалах тухай, Газрын хэвлийн тухай хуульд заасан шаардлагыг хангаж ажиллана.

4.1.14 Байгаль орчныг хамгаалах тухай хууль тогтоомж болон Ашигт малтмалын тухай хууль, Түгээмэл тархацтай ашигт малтмалын тухай хуульд заасан үүргийг биелүүлнэ.

4.1.15 Нийлүүлэгч нь хуулийн шаардлага, гэрээний үүргээ биелүүлээгүйгээс бусдад учруулсан хохирол, Тусгай зөвшөөрөл эзэмшигчийн хувьд Ашигт малтмалын тухай хуульд заасны дагуу учруулсан хохирлыг нөхөн төлөх үүрэгтэй.

4.1.16 Нийлүүлэгч нь өөрийн ажиллагсдын хөдөлмөр хамгаалал, эрүүл ахуйн нөхцөл болон орон нутгийн иргэдийн аюулгүй байдлыг хангах үүрэгтэй.

4.1.17 Гүйцэтгэгч нь энэхүү гэрээний дагуу ажлыг гүйцэтгэхдээ захиалагчийг явцын хяналтыг хэрэгжүүлэх нөхцөлөөр хангах ажлыг зохион байгуулна.

4.1.18 Захиалагчаас шаардаж буй мэргэжлийн ур чадвар, туршлага, ажиллах хүчинтэй, мэргэжлийн инженер, техникийн ажилтнаас бүрдсэн баг болон өөрийн лаборатори, техник хэрэгсэл, тоног төхөөрөмжтэй байх ба гэрээнд заасан нөхцөлийн дагуу ажил, үйлчилгээг үзүүлэх чадвартай байна.

4.1.19 Хууль буюу энэхүү гэрээгээр хүлээн бусад эрхийг эдэлж, үүргийг хүлээнэ.

4.2 Захиалагчийн эрх, үүрэг

4.2.1 Бүтээгдэхүүнийг гэрээнд заасан хугацаанд нийлүүлэхийг шаардах, гэрээний үүргийн биелэлт, ажилын гүйцэтгэлд Захиалагч болон түүний ажилтан нь хяналт тавьж, дараах эрх эдэлнэ:

а. ажлын явцыг газар дээр нь үзэж шалгах, дүрс бичлэг болон фото зургаар баримтжуулах, хамтран шалгаж баталгаажуулах.;

б. хөндлөнгийн шинжээч ажиллуулах, туршилт хийлгэх, дүгнэлт гаргуулах;

с. шаардлагатай тайлбар, мэдээлэл, баримт бичгийг гүйцэтгэгчээс гаргуулан авах.

4.2.2 Бүтээгдэхүүн, ажил, үйлчилгээнд доголдол илэрвэл доголдлыг арилгуулах, уг доголдлыг арилгахад зардал гаргасан бол Нийлүүлэгчээр нөхөн төлүүлэх эрхтэй.

4.2.3 Захиалагч нь техникийн тодорхойлолт, стандарт, шаардлага хангаагүй бүтээгдэхүүнийг үнэ төлбөргүй солиулах эсвэл стандарт, техникийн тодорхойлолтод нийцүүлэх бүхий л арга хэмжээг авах эсхүл захиалгаа цуцлах эрхтэй.

4.2.4 Ажлын даалгавар, техникийн тодорхойлолтыг хангаж буй эсэхийг баталгаажуулах зорилгоор Захиалагч эсхүл түүний төлөөлөгч бүтээгдэхүүнийг шалгах, турших, хөндлөнгийн лаборатораар шинжлүүлэх эрхтэй.

4.2.5 Шалгалт, туршилтаар бүтээгдэхүүн нь стандарт, техникийн тодорхойлолтыг хангаагүй тохиолдолд Захиалагч нь тэдгээрээс татгалзах эрхтэй.

4.2.6 Бүтээгдэхүүнийг тээвэрлэхээс өмнө Захиалагч эсхүл түүний төлөөлөгч шалгасан, туршсан байх нь эцсийн цэгт тээвэрлэн хүргэсний дараа түүнийг дахин шалгах, турших болон шаардлагатай тохиолдолд татгалзаж болох Захиалагчийн эрхийг хөндөхгүй.

4.2.8 Гэрээний 4.2.5-д заасан Захиалагч нь шалгаж, туршсан аль ч нөхцөл, болзол нь Нийлүүлэгчийг гэрээний баталгаат хугацааны болон бусад үүргээс чөлөөлөхгүй.

4.2.9 Бүтээгдэхүүний үнийг гэрээнд заасан хугацаанд нэхэмжлэлийн үндсэн дээр шилжүүлнэ.

4.2.10 Бүтээгдэхүүнийг акт, баримт үйлдэн хүлээн авах ба энэ нь төлбөр тооцоо хийх үндэслэл болно.

4.2.11 Эрх бүхий байгууллага шаардсанаар гэрээг дангаар өөрчлөх эрхтэй.

4.2.12 Нийлүүлэгч-тусгай зөвшөөрөл эзэмшигчийн тайлан, мэдээ зэрэг нууцад хамааруулсан бусад мэдээллийг Төрийн болон албаны нууцын тухай, Байгууллагын нууцын тухай хуульд заасан үндэслэл, журмаас гадуур задруулах, мэдээлэхгүй байх.

4.2.13 Хууль буюу энэхүү гэрээгээр хүлээн бусад эрхийг эдэлж, үүргийг хүлээнэ.

Тав. Хариуцлага

5.1 Нийлүүлэгч нь бүтээгдэхүүн нийлүүлэлт, ажил гүйцэтгэлийг хугацаанд нь гүйцэтгээгүй бол ийнхүү хугацаа хэтрүүлсэн хоног тутам гүйцэтгээгүй үүргийн үнийн дүнгийн 0.3 хувьтай тэнцэх хэмжээний алданги төлнө.

5.2 Гэрээг Захиалагчийн санаачлагаар цуцалсан тохиолдолд гүйцэтгэгч гэрээний нийт үнийн дүнгийн 5 хувьтай тэнцэх хэмжээний торгууль хүлээх бөгөөд Захиалагчид учирсан хохирлыг бүрэн хариуцна.

5.3 Захиалагч нь энэ гэрээнд заасан үүргээ хугацаандаа гүйцэтгээгүй бол ийнхүү хугацаа хэтрүүлсэн хоног тутам гүйцэтгээгүй үүргийн үнийн дүнгийн 0.3 хувьтай тэнцэх хэмжээний алданги хүлээнэ.

5.4 Аль нэг тал нь гэрээгээр хүлээсэн үүргээ зөрчсөн, гэрээнд заасны дагуу нэг талын санаачилгаар гэрээг цуцалсан бол буруутай тал нөгөө талд учруулсан аливаа хохирол болон зардлыг нөхөн төлнө.

5.5 Хэрэв аль нэг тал нь үүргээ биелүүлээгүй тохиолдолд нөгөө тал нь шаардах эрхээ хэрэгжүүлээгүй бол энэ нь эрхээсээ татгалзсан гэж тооцохгүй бөгөөд эрхээ хожим хэрэгжүүлэх, шаардлагатай арга хэмжээ авахад саад болохгүй.

5.6 Нийлүүлэгч бүтээгдэхүүн нийлүүлэлт ажлын үр дүнгийн доголдлын талаар санаатай нуун дарагдуулсан нь хожим илэрвэл тэрээр хариуцлагаас бүрэн буюу хэсэгчлэн чөлөөлөгдөх үндэслэл болохгүй бөгөөд захиалагч болон гуравдагч этгээдэд учирсан шууд болон шууд бус хохиролыг бүрэн хариуцна.

Зургаа. Материалын чанарын хяналт, шинжилгээ хийлгэх

6.1 Захиалагч нь хөндлөнгийн мэргэжлийн байгууллагаар ажил, үйлчилгээний гүйцэтгэл, материалын чанарын хяналт, шалгалт, шинжилгээ хийлгэх хийлгэж, дүгнэлт гаргуулна.

6.2 Хяналт, шинжилгээний зорилго нь шинээр баригдах төмөр замд хэрэглэгдэх бүтээгдэхүүн, ажил гүйцэтгэл, инженер-геологийн нөхцөлийг / хөрс чулуулаг, гадаргын тогтоц, газрын доорх болон хөрсний нөхцөл, бусад геологи, инженер-геологийн үзэгдэл, үйл явцын нөлөөлөл, хөрс чулуулгийн шинж чанар, төлөв байдлыг/ үнэн зөв тодорхойлох, инженер-геологийн үзүүлэлтийг тогтоох, геологи орчин, нөхцөлд үнэлэлт өгөхөд оршино. Үүнд:

- 6.2.1. Захиалагчаас өгсөн ажлын даалгавар, Техникийн тодорхойлолт, тайланг судалж танилцах, геофизик, туршилт, тойм судалгаа хийх;
- 6.2.2. физик-механик шинж чанар, хэмжилт, тоон зураглал болон бусад ажил, судалгааны тайлан, дүгнэлтийн дагуу явагдаж байгаа эсэхэд өдөр тутам хяналт тавих;
- 6.2.3. Байнгын ажиглалт, хэмжилт, мониторинг хийх, тайлан, дүгнэлт гаргах;
- 6.2.4. Барилгын материалын лабораторын туршилт, шинжилгээ хийх, дүгнэлт гаргах;
- 6.2.5. Инженер-геологи, хөрсний өөрчлөлт, хувиралтын үнэлгээ хийх;
- 6.2.6. Бусад ажил, үйлчилгээ.

Долоо. Бүтээгдэхүүний хадгалалт, хамгаалалт

7.1 Тавантолгой-Зүүнбаян чиглэлийн төмөр замын дээд бүтцийн балластын бүтээгдэхүүнийг үйлдвэрлэн бэлтгэн нийлүүлэх, тээвэрлэлтийг гүйцэтгэх хүртэл нийлүүлэгч нь өөрийн байрандаа байршуулж, хадгалалтыг хариуцна.

7.2 Бүтээгдэхүүнийг тээвэрлэлтэд хүлээлгэн өгөхдөө аливаа эрсдэлээс урьдчилан сэргийлэх үүднээс техникийн нөхцөлийн дагуу тээвэрлэж буй эсэхэд хяналт тавина.

Найм. Туслан гүйцэтгэгч

8.1 Нийлүүлэгч нь өөрийн хүчээр гүйцэтгэх боломжгүй ажлын тодорхой хэсгийг мэргэжлийн Туслан гүйцэтгэгчээр гүйцэтгүүлж болно. Энэ тохиолдолд нийлүүлэгч нь Захиалагчийн хувьд Ерөнхий Нийлүүлэгч, туслан Гүйцэтгэгчийн хувьд Захиалагч болно.

8.2 Туслан гүйцэтгэгч нь гүйцэтгэх ажлын онцлогоос хамаарч хуульд заасан аж ахуйн үйл ажиллагаа эрхлэх тусгай зөвшөөрөлтэй байна.

8.3 Нийлүүлэгч нь Туслан гүйцэтгэгч авах шаардлагатай хэсэг ажлын жагсаалтыг Захиалагчид урьдчилан танилцуулж, хэсэг ажил тус бүрээр туслан гүйцэтгэгчийг сонгох шалгуур үзүүлэлтэд Захиалагчийн саналыг авч болно.

Ес. Тэсэрч дэлбэрэх бодис, тэсэлгээний хэрэгсэл, аюулгүй ажиллагаа

9.1 Тэсэрч дэлбэрэх бодис, тэсэлгээний хэрэгслийг ашигт малтмалын ашиглалт, уул уурхай, зам, барилгын үйлдвэрлэлийн зориулалтаар Аж ахуйн үйл ажиллагааны тусгай зөвшөөрлийн тухай хуульд заасан эрх бүхий хуулийн этгээд ашиглах ба Тэсэлгээний ажил явуулах этгээд нь Аж ахуйн үйл ажиллагааны тусгай зөвшөөрлийн тухай хуульд заасан тусгай зөвшөөрөлтэй, мэргэжлийн ажиллах хүчин цагдаагийн болон тагнуулын төв байгууллагын санал, дүгнэлттэй байх, тэсэлгээний ажил явуулах зориулалтын тоног төхөөрөмж, тээврийн хэрэгсэл, харуул хамгаалалт бүхий агуулахтай байх, тогтоосон хяналтын хуудсыг үндэслэн үйл ажиллагаа явуулна.

9.2 Тэсэрч дэлбэрэх бодис, тэсэлгээний хэрэгслийн хадгалах байр, агуулах дахь аюулгүй ажиллагааны журмыг баримталж, зөвшөөрөгдсөн чиглэлийн дагуу ачаа тээвэрлэлтийн стандарт, ачаа тээвэрлэх дүрэм, аюултай ачаа тээвэрлэх журмыг баримтлан тусгай тоноглон тээврийн хэрэгслээр тээвэрлэлтийн маршрутын дагуу аюулгүй байдлыг хангаж, харуул хамгаалалттай тээвэрлэнэ.

Арав. Гэрээнээс татгалзах, гэрээг цуцлах, маргаан шийдвэрлэх, гэрээнд нэмэлт өөрчлөлт оруулах, нууц хадгалах

10.1 Гэрээгээр хүлээсэн үүргээ зохих ёсоор биелүүлээгүй, гэрээг хэрэгжүүлэх үндсэн нөхцөл болсон тусгай зөвшөөрөл нь цуцлагдсан, холбогдох төлбөрийг төлөөгүй, байгаль орчныг нөхөн сэргээх үүргээ биелүүлээгүй талаар эрх бүхий байгууллагаас дүгнэлт гаргасан нь Иргэний хуульд заасны дагуу гэрээнээс татгалзах, улмаар гэрээг цуцлах үндэслэл болно.

10.2 Гэрээг аль нэг талын санаачилгаар гэрээнээс татгалзах, гэрээг цуцлах тохиолдолд Талууд харилцан ажлын 5 хоногийн дотор бичгээр мэдэгдэнэ.

10.3 Маргаан шийдвэрлэх. Гэрээг Монгол улсад хүчин төгөлдөр мөрдөгдөж буй хууль, тогтоомжийн хүрээнд байгуулсан бөгөөд түүнд заасны дагуу ойлгож, тайлбарлаж, хуулийн дагуу шийдвэрлэнэ.

10.4 Гэрээний хүчинтэй хугацаанд болон түүнээс хойш үүсэх маргаантай асуудлыг Талууд харилцан эв зүйгээр харилцан замаар шийдвэрлэхийг эрмэлзэнэ.

10.5 Тохиролцоонд эс хүрсэн тохиолдолд Монгол Улсын хуулийн дагуу шүүхээр шийдвэрлүүлнэ.

10.6 Гэрээнд нэмэлт өөрчлөлт оруулах. Захиалагч Нийлүүлэгчид гэрээнд хэдийд ч нэмэлт, өөрчлөлт оруулж болно. Талууд гэрээнд нэмэлт өөрчлөлт оруулах бол нэмэлт өөрчлөлт оруулах тухай саналаа нэг тал нөгөө талдаа харилцан тохирсноос бусад тохиолдолд ажлын 5 хоногийн өмнө бичгээр ирүүлнэ.

10.7 Нэмэлт өөрчлөлтийг бичгээр хийх бөгөөд талуудын эрх бүхий этгээд гарын үсэг зурж, тэмдэг дарж, баталгаажуулсанаар хүчин төгөлдөр болно.

10.8 Нэмэлт өөрчлөлт нь энэ гэрээний салшгүй хэсэг болно.

10.9 Нууц хадгалах. Захиалагч талаас өгсөн аливаа нэг мэдээллийн нууцыг гэрээний хугацаа дууссан эсэхээс үл хамааран чанд хадгална.

10.10 Нийлүүлэгч нь Захиалагчийн зөвшөөрөлгүйгээр бүхий л бичиг баримт, тоо мэдээлэл, олж авсан болон цуглуулсан мэдээллээ ямар нэг байдлаар гэрээний үүргийг биелүүлэхээс бусад тохиолдолд олшруулах, нийтэд тараах, нийтлэх, задруулах эрхгүй.

10.11 Нууц хадгалах үүргээ биелүүлээгүйгээс Захиалагчид ямар нэг хохирол учирсан тохиолдолд хохирлыг үл маргах журмаар төлж барагдуулна.

Арваннэг. Гэнэтийн болон Давагдашгүй хүчин зүйл

11.1 Гэнэтийн болон давагдашгүй хүчний шинжтэй нөхцөл байдал гэдэгт үерт автах, гал түймэрт нэрвэгдэх, дэлбэрэлтэд өртөх, газар хөдлөх, тахал, халдварт өвчин болон бусад байгалийн хүчин зүйлс мөн цэрэг, дайны үйл ажиллагаа, төрийн эрх барих байгууллагын шийдвэр буюу экспорт, импортын хориг, ажил хаялт зэрэг нь энэ гэрээг зохих ёсоор биелүүлэх боломжгүй байдал бий болохыг ойлгох ба нөгөө талдаа нэн даруй мэдэгдэнэ.

11.2 Гэнэтийн буюу давагдашгүй хүчин зүйлийн улмаас талуудын аль нэг нь гэрээгээр хүлээсэн үүргээ биелүүлээгүй буюу зохих ёсоор биелүүлээгүй бол нөгөө талдаа ажлын таван хоногийн дотор бичгээр мэдэгдэх ба энэ тохиолдолд үүрэг гүйцэтгэх хугацаа нь энэхүү нөхцөл байдал үргэлжлэх хугацаагаар хойшлогдоно. Гэнэтийн буюу давагдашгүй хүчин зүйл хуанлийн 30-аас дээш хоногийн хугацаагаар үргэлжилвэл талууд асуудлыг харилцан зөвшилцөх замаар шийдвэрлэнэ.

11.3 Гэнэтийн болон давагдашгүй хүчний шинжтэй нөхцөл байдлыг зохиомлоор буюу болгоомжгүйгээр бий болгосоноос бусад тохиолдолд давагдашгүй хүчин зүйлийн нөхцөл байдлаас шалтгаалан учирсан хохирлыг хариуцах үүргээс талууд харилцан чөлөөлөгдөнө.

11.4 Гэнэтийн болон давагдашгүй хүчний шинжтэй нөхцөл байдал үүссэнийг эрх бүхий байгууллага нотолсон байвал зохино.

Арванхоёр. Гэрээ хүчин төгөлдөр болох

12.1 Энэхүү гэрээ нь Монгол хэл дээр 2 эх хувь байх бөгөөд гэрээний 12.3-д заасныг хангасны үндсэн дээр хоёр талын эрх бүхий этгээдүүд гарын үсэг зурж, дугаар авч, тэмдэг дарж баталгаажуулснаар хүчин төгөлдөр болно.


12.2 Гэрээтэй холбогдон гарах аливаа мэдэгдэл, шаардлага, захидлууд нь бичгийн хэлбэрээр байх бөгөөд зохих хаягаар хүргэсэн үед тухайн баримтыг хүлээн авсанд тооцно.

12.3 Энэхүү гэрээний 1.4-т заасан хавсралт болон бусад бичиг баримтууд дутуу тохиолдолд гэрээний бүрдэл хэсэг хангагдаагүй гэж үзнэ.


ГЭРЭЭ БАЙГУУЛСАН:

ЗАХИАЛАГЧИЙГ ТӨЛӨӨЛЖ:

ИНЖЕНЕР, ТЕХНОЛОГИЙН ГАЗРЫН
ДАРГА

 Д.НЯМЛХАГВА



САНХҮҮ ЭДИЙН ЗАСГИЙН ГАЗРЫН
ЕРӨНХИЙ НЯГТЛАН БОДОГЧ

 Д.ДАВААДОРЖ

Хаяг: Монгол Улс, Улаанбаатар хот,
Сүхбаатар дүүрэг, 1-р хороо, 13
хороолол /14230/, Нарны зам-62
Юнион бюлдинг А блок 7 давхар
Утас: 7000-6622, 7010-6655
И-мэйл: info@mtz.mn

НИЙЛҮҮЛЭГЧИЙГ ТӨЛӨӨЛЖ:

ЗАХИРАГЧИЙН НЭГДҮГЭЭР ОРЛОГЧ,
ЕРӨНХИЙ ИНЖЕНЕР
ХОШУУЧ

Б.БАТМӨНХ

САНХҮҮГИЙН ДАРГА

Ч.ХИШИГСҮРЭН

Хаяг: Монгол улс, Өмнөговь аймаг, Манлай
сум

Регистр: 6499155

Банкны нэр: Төрийн сан

Дансны дугаар: 100110614401

Утас: 88078284, 88703104

И-мэйл: Zam2018@mil.gov.mn

БАЛЛАСТЫГ НИЙЛҮҮЛЭХ ГАЗРЫН КООРДИНАТ

№	Үйлдвэр	Бэлтгэн нийлүүлэх байршил
1	Бутлуурын үйлдвэр	Өмнөговь аймаг Манлай сум Х:650479.902 У:4882859.711

ЗЭВСЭГТ ХҮЧНИЙ ЗАМЫН 7780 ДУГААР АНГИЙН ЗАХИРАГЧ
ДЭД ХУРАНДАА Д.ЗОРИГТСАЙХАН



БАЛЛАСТЫГ НИЙЛҮҮЛЭХ ТОО ХЭМЖЭЭ, ХУВААРЬ

№	Нийлүүлэх хугацаа	Балласт нийлүүлэх	
		Сар	Тоо хэмжээ /м.куб/
1	2020 оны 9 дүгээр сарын 1-ний өдрөөс 11 дүгээр сарын 15-ны өдөр хүртэл	9 сар	22500
2		10 сар	23250
3		11 сар	11250
Нийт дүн			57000

ЗЭВСЭГТ ХҮЧНИЙ ЗАМЫН
ДЭД ХУРАНДАА



АНГИЙН ЗАХИРАГЧ
Д.ЗОРИГТСАЙХАН



МОНГОЛ УЛС
ЗАМ, ТЭЭВРИЙН ХӨГЖЛИЙН ЯАМ

ТУСГАЙ ЗӨВШӨӨРӨЛ

Дугаар: СБУ 1/064-2020

Байгууллагын нэр: "Зэвсэгт хүчний долоон мянга
долоон зуун наядугаар анги"
УТҮГ

Улсын бүртгэлийн дугаар: 9068001048

Регистрийн дугаар: 6499155

Байгууллагын хаяг: Улаанбаатар, Баянзүрх, 4-р
хороо, дорж, өөрийн байр

Монгол Улсын Аж ахуйн үйл ажиллагааны тусгай зөвшөөрлийн тухай хуулийн 15 дугаар зүйлийн 15.15.11, Төмөр замын тээврийн тухай хуулийн 10 дугаар зүйлийн 10.1.5 дахь заалт, 16 дугаар зүйлийн 16.7 дахь хэсгийг тус тус үндэслэн

ТӨМӨР ЗАМЫН СУУРЬ БҮТЭЦ ҮЙЛДВЭРЛЭХ: ЗАМЫН ДЭЭД БҮТЭЦ ҮЙЛДВЭРЛЭХ /ЗАМЫН ЧИГЖЭЭС/
тусгай зөвшөөрлийг 2020 оны 05 дугаар сарын 07-ны өдрөөс эхлэн 3 /гурав/-н жилийн хугацаатай олгов.

САЙД

Б.ЭНХ-АМГАЛАН



2020 оны 06 дугаар сарын 09-ний өдөр

Улаанбаатар хот

ҮЙЛДВЭРЛЭЛД АШИГЛАГДАХ ТЕХНИК ХЭРЭГСЛИЙН ЖАГСААЛТ

№	Техникийн загвар	Техникийн зориулалт	Хэмжих нэгж
1	УАЗ-490945	Хагас ачааны	1 нэгж
2	SWS365-3E	Эксковатор	1 нэгж
3	LOVOL	Эксковатор	1 нэгж
4	XCMG	Шанагат ачигч	2 нэгж
5	HOWO-290	Өөрөө буулгагч	2 нэгж
6	SAMC	SAMC өөрөө буулгагч	2 нэгж
7	Эксковаторын соёо	Газар ухагч	1 ширхэг
8	Эксковаторын молдак	Газар ухагч	1 ширхэг
9	Эксковаторын базуур	Тоноглол угсрагч	1 ширхэг

ЗЭВСЭГТ ХҮЧНИЙ ЗАМЫН 7780 ДУГААР АНГИЙН ЗАХИРАГЧ
ДЭД ХУРАНДАА



Д.ЗОРИГТСАЙХАН



ӨМНӨГОВЬ АЙМГИЙН
МАНЛАЙ СУМЫН ЗАСАГ ДАРГЫН
ЗАХИРАМЖ

2020 оны 03 сарын 31 өдөр

Дугаар 28/43

Далай

Түр кемп барих газрын байршил тогтоох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Газрын тухай хуулийн 20 дугаар зүйлийн 20.2.1 дэх заалтыг үндэслэн ЗАХИРАМЖЛАХ нь:

1. Манлай сумын Өгөөмөр, Жаргалант, Далай багийн нутаг дэвсгэр дээр кемп байгуулах газрын байршлыг хавсралтад заасан солбицлын дагуу тогтоосугай.

2. Газар ашиглах гэрээ байгуулан зохих хууль тогтоомжийн дагуу хяналт тавьж ажиллахыг Өгөөмөр багийн Засаг дарга /Х.Энхмандах/, Жаргалант багийн Засаг дарга /Л.Мөнхтөр/, Байгаль орчин уул уурхайн бодлогын мэргэжилтэн/А. Ганхуяг/. Газрын даамал /Б.Уянга / нарт үүрэг болгосугай.

3. Уг байршлыг тогтоосонтой холбогдуулан Газрын тухай хуулийн 50 дугаар зүйлийн 50.1.1 дэх хэсэг, 50.1.2 дах хэсэгт заасан шаардлагыг биелүүлж ажиллахыг тус кэмпүүдэд үүрэг болгосугай.

ЗАСАГ ДАРГА

Г.БУЯНХҮҮ



**ЗАМ, ТЭЭВРИЙН ХӨГЖЛИЙН ТӨВ
ЗАМ БАРИЛГЫН ЭРДЭМ ШИНЖИЛГЭЭ, СУДАЛГААНЫ
ИТГЭМЖЛЭГДСЭН ТӨВ ЛАБОРАТОРИ**





**ИТГЭМЖЛЭГДСЭН ЛАБОРАТОРИЙН СОРИЛТЫН ДҮН
ДАЙРГАНЫ ШИНЖИЛГЭЭНИЙ ДҮН**

Дугаар: 049/02.20 /Чулуу/ **Олгосон:** 2020.02.24
Дээж ирүүлсэн газрын нэр: Зэвсэгт хүчний замын 7780 -р анги
Объектийн нэр: Таван толгой - Зүүнбаян чиглэлийн төмөр замын төсөлд
Дээжний ордны нэр: Координат N:44 05 04.9, E:106 52 51.1
Материалын зориулалт: Төмөр замын балласт
Дээж авсан хүний нэр, албан тушаал: Материалын инженер: Отгонтуул

Шинжилгээнд ирүүлсэн 50кг **Хүлээн авсан огноо** 2020.02.11 **Шинжилсэн огноо** 2020.02.17 - 02.24

Шинжилгээний аргын стандарт	Шинжилсэн үзүүлэлт	Хэмжих нэгж	Техникийн шаардлага	Үр дүн
MNS BS 812 112:2003	Цохилттой бутрагдалт	%	<20	12.47
MNS 2998-2009	Бутрамтгай чанар /цилиндрт/	%	<15	7.44
MNS 2998-2009	Чулууны марк		600-1200	1200
MNS 2998-2009	Асгаасан нягт	кг/м3		1616.1
MNS AASHTO T-104	Хүйтэнд тэсвэрлэлт	%	<12	8.99
MNS 2998-2009	Ширхэгийн дундаж нягт	г/см ³	>2.4	2.529

Хянаж баталгаажуулсан: Лабораторийн эрхлэгч  Г.Батболд/

Шинжилгээ гүйцэтгэсэн: Материалын инженер  /Д.Цэдэнбалжир/

**ЗАМ, ТЭЭВРИЙН ХӨГЖЛИЙН ТӨВ
ТУРШИЛТ ШИНЖИЛГЭЭНИЙ ИТГЭМЖЛЭГДСЭН ЛАБОРАТОРИ**

№TL56

**ЛАБОРАТОРИЙН СОРИЛТЫН ДҮН
ДАЙРГАНЫ ШИНЖИЛГЭЭНИЙ ДҮН**

Дугаар: он/№ 049/02.20 Чулуу/ Олгосон: 2020.02.24
 Дээж ирүүлсэн газрын нэр: Зэвсэгт хүчний замын 7780 -р анги
 Объектийн нэр: Таван толгой - Зүүнбаян чиглэлийн төмөр замын төсөлд
 Дээжний ордны нэр: Координат N:44 05 04.9, E:106 52 51.1
 Материалын зориулалт: Төмөр замын балласт
 Дээж авсан хүний нэр, албан тушаал: Материалын инженер: Отгонтуул
 Шинжилгээнд ирүүлсэн дээжний тоо 50кг Хүлээн авсан өгнөө 2020.02.11 Шинжилсэн өгнөө 2020.02.17 - 02.24

Асгаасан нягт /MNS 2998:2009/			
Туршилт	Дундаж	Туршилтын дүн	
Савны жин 6440 г	14530	14521	1616
Савны эзэлхүүн 5000см3	14514		
	14518		

Ширхэгийн дундаж нягт /MNS 2998:2009/

№.	ТУРШИЛТ	1	2	Дундаж
1	Хуурай дээжний жин, г (A)	1000.82	1000.09	1000.455
2	Гадаргуу хуурай жин, г (B)	1005.24	1005.05	1005.145
3	Усанд дүүжилсэн жин, г (C)	609.32	609.88	609.60
4	Хуурай дээжний хувийн жин, г/см3 A/(B-C)	2.528	2.531	2.529
5	Гадаргуу хуурай хувийн жин, г/см3 B/(B-C)	2.539	2.543	2.541
6	Абсолют хувийн жин, г/см3 A/(A-C)	2.556	2.563	2.560

**ЗАМ ТЭЭВРИЙН ХӨГЖЛИЙН ТӨВ
ЗАМ БАРИЛГЫН ЭРДЭМ ШИНЖИЛГЭЭ СУДАЛГААНЫ ИТГЭМЖЛЭГДСЭН ТӨВ
ЛАБОРАТОРИ**

№ TL 56

**НАТРИЙН СУЛЬФАТААР ЧУЛУУНЫ ХҮЙТЭНД ТЭСВЭРЛЭЛТ
ТОДОРХОЙЛОХ /MNS AASHTO T-104/**

Дугаар: он/№ 049/02.20 /Чулуу/ Олгосон: 2020.02.24
Дээж ирүүлсэн газрын нэр: "Бадрах Ойл" ХХК

Объектийн нэр: Ханбогд-Оюутолгой чиглэлийн 35,1км хатуу хучилттай авто замд

Дээжний ордны нэр: ПК24+300 -д байрлах бутлууур

Материалын зориулалт: Буталсан чулуун сууринд

Дээж авсан хүний нэр, албан тушаал: Лаборант: Энхманлай

Шинжилгээнд ирүүлсэн
дээжний тоо

Хүлээн авсан огноо

Шинжилсэн огноо

100кг

2/11/2020

2020.02.17 - 02.24

Шигшүүр, мм	Дээжийн жин, г	Дээжийн эзлэх хувь, %	Шинжилгээний өмнөх дээжний жин, г	Шинжилгээний дараах дээжний жин, г	Алданги, %	Нийт алданги, %
37.5 мм-25.0мм						
25.0 мм-19.0мм						
19.0 мм-13.2мм						
12.5 мм-9.5мм	500.52					
Бүгд	500.52	100.0	500.52	455.52	8.99	8.99



Ulaanbaatar 17042
 Phone: +976 11 343882 Fax: +976 77 303882
 www.alsglobal.com/geochemistry

Finalized Date: 22-FEB-2020
 Account: BUBDEC

QC CERTIFICATE UL20040913

SAMPLE PREPARATION

ALS CODE	DESCRIPTION
WEI-21	Received Sample Weight
LEV-01	Waste Disposal Levy
BAG-01	Bulk Master for Storage
LOG-22	Sample login - Rcd w/o BarCode
CRU-31	Fine crushing - 70% <2mm
SPL-21	Split sample - riffle splitter
PUL-31	Pulverize up to 250g 85% <75 um

ANALYTICAL PROCEDURES

ALS CODE	DESCRIPTION
OA-ELE17	Paste conductivity

This report is for 2 Rock samples submitted to our lab in Ulaanbaatar, Mongolia on 21-FEB-2020.
 The following have access to data associated with this certificate:
 TUUL

This is the Final Report and supersedes any preliminary report with this certificate number. Results apply to samples as submitted. All pages of this report have been checked and approved for release.
 ***** See Appendix Page for comments regarding this certificate *****

Signature:

Dr. Irekhjargal Jambal, Quality Manager - Mongolii

БУТЛУУРЫН ҮЙЛДВЭРИЙН ҮЙЛ АЖИЛЛАГАА ЯВУУЛЖ БУЙ БАЙДАЛ



ЗАМЫН УДИРДЛАГА, ТӨЛӨВЛӨЛТИЙН АЛБА